



Broj: 01-315/23
Vareš, 28.12.2023. godine

Z A P I S N I K
sa 30. sjednice Općinskog vijeća Vareš,
održane 30.11. 2023. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović, Nikola Šimić i Ešref Likić.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV upoznala je vijećnike da Općinski načelnik neće biti prisutan na današnjoj sjednici iz opravdanih razloga.

Predsjedavajuća OV čestitala je gosp. Pavlović Leonu bivšem sekretaru OV odlazak u penziju i ispred Općinskog vijeća uručila prigodan poklon.

Predsjedavajuća OV pozvala je gosp. Prkić Zlatka da ispred Udruženja dijabetičara Vareš uruči zahvalnice osobama koje su pomogle u radu Udruženja.

Predsjedavajuća OV otvorila je 30. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: pomoćnici načelnika - gosp. Ermin Musa, gosp. Ibrahim Spahić, rukovodilac JURA – gosp. Rusmir Berberović, šefica Odsjeka za računovodstvo i trezor – gosp. Stela Terzić, šef Odsjeka za društvene djelatnosti – gosp. Mersad Đido, ispred Službe za privredu i finansije – gosp. Salih Memić, ispred Općinskog načelnika- gosp. Velida Džafo i predstavnici medija.

Predsjedavajuća OV izvijestila je Vijeće da je na 29. sjednici OV održanoj 27.10.2023. godine donijelo šest (6) zaključka od kojih su tri (3) Zaključka realizovana, dva (2) Zaključka su u toku realizacije, a za jedan (1) Zaključak Službi nije dostavljena informacija o njegovoj realizaciji. Postavljeno je sedam (7) vijećničkih pitanja. Na sva pitanja odgovoreno je pisanim ili usmenim putem.

Ispred Općinskog načelnika, pomoćnik načelnika Ermin Musa pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Nije bilo izjašnjavanja.

(Vijećnička pitanja i Inicijative)

Dario Dodik

1. Moje pitanje se odnosi na rasvjetu na mjestima gdje je trenutno najneophodnija, gdje imamo par rasvjetnih tijela ili nijedno, a to su od ulice Nikovac, kod Janjušića kuće jedna privatna sijalica radi, u ul. Matijevići, u Ljepovićima, iza zgrade K-6 i ima vjerovatno još ulica u kojima rasvjeta nije u funkciji. Mislim da je vrijeme da se krene u zamjenu tih rasvjetnih tijela, hitno!

Inicijativa za postavljanje zaštitne ograde odnosno bankine u ulici Novakovići?

Obrazloženje - Ulica Novakovići koja vodi do restorana Mlin ima jednu opasnu strminu, odnosno livadu koja je jako strma, ispod tog puta je provalija do rijeke Stavnje. Zbog sigurnosti svih građana, stranaca, turista a također i uposlenika Adratic Metals-a, bilo bi neophodno da se postavi ta oграда. Ova ulica je navedena kao gradska ulica u Odluci OV.
(Inicijativa podnesena usmenim putem).

Šaban Ibrišimović

2. Kada će nadležna općinska služba konačno uraditi procjenu ugroženosti naselja Kolakovići u MZ Dragovići-Mijakovići od mogućeg Hazarda-Poplave?
3. Do kada će dionice R444a u dijelu Bukovice ukupne dužine oko 900 m podignutog asfalta u sklopu izgradnje pristupne ceste za potrebe rudnika na Rupicama čekati adekvatnu sanaciju ili modernizaciju. Imajući u vidu nesezonu u kojoj smo trenutno...trenutna dionica je haotična i pogoršava se ulaskom u zimski period.....pitanje građana. Pitanje za Adriatic Metals!

Inicijativa za izgradnju „Sahat kule“ u urbanom dijelu općine Vareš – MZ Vareš u 2024. godini.

(Inicijativa podnesena pisanim putem)

Nedžad Mušanović

4. Da li će se uspjeti asfaltirati dijelovi puta gdje su započeti radovi, odnosno dignuti asfalt na par lokacija na regionalnom putu Šimin potok-Ravne-Kamenice, da li će se uspjeti asfaltirati pošto smo ušli u zimski period ili će se čekati proljeće? Znam da nije u nadležnosti naše Općine ali da li možemo nešto uraditi po tom pitanju?

Amela Brkić

5. Kada je kraj problema kada je u pitanju održavanje puteva? Postavljalo se mnogo pitanja oko ove problematike, ali i dalje iste probleme imamo. Mnogo je mjesnih zajednica koje su se javile da im uopšte nije očišćeno u toku snježnih padavina ili da nije posut ni gram posipnog materijala! (dato je pojašnjenje)

Nurdin Begović

6. Da li Dom zdravlja može angažovati novog pedijatra i hoće li to uraditi u narednom periodu?
Pitanje postavljeno pisanim putem za JU Dom zdravlja Vareš.
Traži odgovor pisanim putem.
7. Koliko ugovara i kakve ugovore je Općina Vareš do sada potpisala sa firmom Adriatic Metals plc odnosno Eastern Mining a koji se tiče koncesija na području općine Vareš? Koliko odluka je donijeto od početka saradnje a koje se direktno ili indirektno tiču koncesija?
Pitanje postavljeno pisanim putem.
Traži odgovor pisanim putem.

Predsjedavajuća OV stavila je na raspravu Zapisnik sa 29. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 29. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 29. sjednice OV.**

Predsjedavajuća OV stavila je na raspravu prijedlog dnevnog reda 30. sjednice OV koji je usuglašen na Kolegiju Općinskog vijeća.

Nije bilo učesnika i predsjedavajuća OV stavila je na izjašnjavanje prijedlog dnevnog reda **30. sjednice OV** i nakon izjašnjavanja vijećnika konstatuje da **je jednoglasno sa 19 glasova „ZA“ usvojen sljedeći**

Dnevni red

1. Prijedlog Izmjena i dopuna Budžeta/Proračuna Općine Vareš za 2023. godinu.
- Izvjestilac: Općinski načelnik.
2. Nacrt Budžeta/Proračuna Općine Vareš za 2024. godinu.
- Izvjestilac: Općina Vareš.
3. Nacrt Odluke o izvršenju Budžeta/Proračuna Općine Vareš za 2024. godinu.
- Izvjestilac: Općinski načelnik.
4. Prijedlog Odluke o raspisivanju izbora za članove Savjeta mjesne zajednice Neprivaj.
- Izvjestilac: Mersad Đido.
5. Prijedlog Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš.
- Izvjestilac: Velida Džafo.
6. Prijedlog Odluke o utvrđivanju površina za parkiranje motornih vozila.
- Izvjestilac: Ermin Musa.
7. Informacija o provedenim aktivnostima za izradu Plana kapitalnih investicija općine Vareš za period 2024-2027. godina.
- Izvjestilac: Rusmir Berberović.

8. Prijedlog Odluke o usvajanju Plana kapitalnih investicija općine Vareš za period 2024-2027. godina.
 - Izvjestilac: Rusmir Berberović.
9. Informacija o realizaciji projekata infrastrukture na području općine Vareš za 2023. godinu.
 - Izvjestilac: Ermin Musa.
10. Informacija o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko i R-444a Vareš-Bobovac-Kraljeva Sutjeska.
 - Izvjestilac: Ermin Musa.
11. Informacija o stanju lokalne i regionalne putne mreže na području općine Vareš.
 - Izvjestilac: Ermin Musa.
12. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2022-2027.godine, za 2022. godinu.
 - Izvjestilac: Ibrahim Spahić.
13. Informacija o stanju u oblasti prijevoza u lokalnom i međugradskom saobraćaju na području općine Vareš.
 - Izvjestilac: Salih Memić.
14. Tekuća pitanja

Ad. 1.

*(Prijedlog Izmjena i dopuna
Budžeta/Proračuna Općine Vareš za 2023. godinu.)*

Komisija za privredu, finansije i budžet na 15. sjednici održanoj 27.11.2023. godine jednoglasno je donijela Zaključak:

- **Komisija prihvata Prijedlog Izmjena i dopuna Općine Vareš za 2023. godinu i isti upućuje Vijeću na razmatranje.**

Izvjestilac šefica Ureda za finansije i trezor Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Emir Islamović (*skrenuo je pažnju na konta učešća u zajedničkim projektima, poticaj poljoprivrede, transfer za mlade i da su pojedina konta drastično povećana, neka umanjena a određena konta su skroz ukinuta –o istom je dao pojašnjenje i izjavio da će Klub vijećnika SDA prilikom izjašnjavanja biti suzdržan*), Dario Dodik (*traži dodatno pojašnjenje za konto drugi tekući rashodi gdje je iznos sa 27.450 KM povećan na iznos od 434.000*

KM) i šefica Odsjeka za finansije i trezor Stela Terzić koja je dala dodatna pojašnjenja na traženje vijećnika u raspravi.

Zaključena je rasprava i predsjedavajuća OV predložila je i stavila je na izjašnjavanje sljedeći

Zaključak:

- 1. Usvajaju se Izmjene i dopune budžeta/proračuna Općine Vareš za 2023. godinu.**
- 2. Izmjene i dopune budžeta/proračuna Općine Vareš za 2023. godinu iz tačke 1. čini sastavni dio ovog Zaključka.**
- 3. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da sa **11 glasova „ZA“ i 8 „SUZDRŽANIH“ glasova usvojen predloženi Zaključak.**

Ad. 2.

(Nacrt Budžeta/Proračuna Općine Vareš za 2024. godinu)

Komisija za privredu, finansije i budžet na 15. sjednici održanoj 27.11.2023. godine jednoglasno je donijela Zaključak:

- Komisija prihvata Nacrt Budžeta/Proračuna Općine Vareš za 2024. godinu i isti upućuje Vijeću na razmatranje.**

Izvjestilac šefica Ureda za finansije i trezor Stela Terzić u svom obraćanju sugerisala je prisutnima da kod dostavljanja eventualnih prijedloga amandmana za uvećanje neke rashodovne strane treba predložiti i koja se strana i rashodi umanjuju. Upoznala je prisutne sa tehnikom greškom u Nacrtu Budžeta na stranama 1. i 6.

Otvorena je rasprava u kojoj su učestvovali vijećnici: Zdenko Franjić (*skrenuo je pažnju da u Nacrtu nisu planirana sredstva za transfer za penzionere, da bi trebalo povećati iznos sredstva za poljoprivredu i za grantove mjesnim zajednicama, izjavio je da će Klub vijećnika SDP svoje amandmane, prijedloge i sugestije dostaviti u pisanoj formi*), Nurdin Begović (*podsjetio je prisutne da je Vijeće podržalo Zaključak Komisije za mlade sa 3. sjednice koji se odnosi na pomoć/poticaj mladim osobama koji imaju svoj biznis a u Nacrtu budžeta uopšte nije planiran transfer za mlade*), Emir Islamović (*uputio pitanje da li je u budžetu planirano za prelazak na trezorsko poslovanje, Klub vijećnika će podržati Nacrt Budžeta i na isti će amandmanski djelovati*), Maja Berberović (*uputila je sugestiju da sva sredstva za mlade koja su bila planirana u budžetu prošle godine da se predvide možda i u duplom iznosu u budžetu za 2024. godinu*), predsjedavajuća OV Mahira Brkić (*izjavila je da se slaže sa iznesenim primjedbama vijećnika u raspravi i sugerisala je svima koji će amandmanski djelovati na Nacrt budžeta da vode računa da prilikom prijedloga za uvećanje određenih stavki, predlože i koja stavka se po tom pitanju umanjuje*), Stela Terzić (*u svom obraćanju dala je dodatno pojašnjenje i odgovore na postavljena pitanja, upoznala je Vijeće da je službama upućen dopis da dostave svoje prijedloge za uvrštavanje u Nacrt budžeta, služba nije dostavila prijedlog koji se odnosi na transfer za mlade, sport i ostalo., te se sredstva mogu planirati u prijedlogu budžeta, izdatke za trezorsko poslovanje nije potrebno planirati u budžetu jer Općina Vareš ima potrebno softversko rješenje*), Emir Islamović (*replika*) i predsjedavajuća OV Mahira Brkić (*izjavila je da Vijeće može tražiti odgovor zbog čega se nije počelo primjenjivati trezorsko poslovanje*).

Zaključena je rasprava i predsjedavajuća OV predložila je i stavila na izjašnjavanje sljedeći

Zaključak:

- 1. Prihvata se Nacrt proračuna/budžeta Općine Vareš za 2024. godinu.**
- 2. Nacrt proračuna/ budžeta Općine Vareš za 2024. godinu iz tačke**

1. ovog Zaključka upućuje se na javnu raspravu u trajanju od 15 dana.
3. **Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
4. **Sastavni dio prijedloga bit će i Izvještaj o provedenoj raspravi.**
5. **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

Ad. 3.

(Nacrt Odluke o izvršenju

Budžeta/Proračuna Općine Vareš za 2024. godinu)

Komisija za privredu, finansije i budžet na 15. sjednici održanoj 27.11.2023. godine jednoglasno je donijela Zaključak:

- **Komisija prihvata Nacrt Odluke o izvršenju Budžeta/Proračuna Općine Vareš za 2024. godinu i isti upućuje Vijeću na razmatranje.**

Komisija za statutarna pitanja i propise na 24. sjednici održanoj 23.11.2023. godine jednoglasno je donijela Zaključak:

- **Komisija nema primjedbi na Nacrt Odluke o izvršenju Budžeta/Proračuna Općine Vareš za 2024. godinu i isti upućuje Vijeću na razmatranje.**

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV predložila je i stavila na izjašnjavanje sljedeći

Zaključak:

1. **Prihvata se Nacrt Odluke o izvršenju proračuna/budžeta Općine Vareš za 2024. godinu.**
2. **Nacrt Odluke o izvršenju proračuna/ budžeta Općine Vareš za 2024. godinu iz tačke 1. ovog Zaključka upućuje se na javnu raspravu u trajanju od 15 dana.**
3. **Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
4. **Sastavni dio prijedloga bit će i Izvještaj o provedenoj raspravi.**
5. **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

Ad.4.
(Prijedlog Odluke o raspisivanju izbora za članove Savjeta mjesne zajednice Neprivaj)

Komisija za statutarna pitanja i propise na 24. sjednici održanoj 23.11.2023. godine jednoglasno je donijela Zaključak:

- **Komisija nema primjedbi na Prijedlog Odluke o raspisivanju izbora za članove Savjeta mjesne zajednice Neprivaj i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Zakir Džafo (*podsetio je prisutne na Zaključak koji je donijelo Vijeće po kojem je traženo da Savjeti mjesnih zajednica koji nisu dostavili Izvještaj o radu, isti dostave u što kraćem roku, traži odgovor o realizaciji Zaključka*) i šef Odsjeka za društvene djelatnosti Mersad Đido (*upoznao je prisutne da je Služba za opću upravu, društvene djelatnosti i BiZ reagovala po zaključku prema mjesnim zajednicama koje nisu dostavile Izvještaj o radu, ali ni nakon ponovnog traženja za dostavu, iste mjesne zajednice nisu dostavile Izvještaj, dao je dodatno pojašnjenje o razlozima za donošenje Prijedloga Odluke*).

Zaključena je rasprava i predsjedavajuća OV stavila je na izjašnjavanje Prijedlog Odluke o raspisivanju izbora za članove Savjeta mjesne zajednice Neprivaj.

Nakon izjašnjavanja vijećnika predsjedavajuća OV konstatuje da je jednoglasno **sa 19 glasova „ZA“ usvojena**

Odluka o raspisivanju izbora za članove Savjeta mjesne zajednice Neprivaj.

Ad.5.
(Prijedlog Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš)

Komisija za statutarna pitanja i propise na 24. sjednici održanoj 23.11.2023. godine jednoglasno je donijela Zaključak:

- **Komisija nema primjedbi na Prijedlog Odluke uslovima i načinu držanja pasa, te načinu postupanja sa napuštenim i izgubljenim psima na području općine Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o uslovima i načinu držanja pasa, te načinu postupanja sa napuštenim i izgubljenim psima na području općine Vareš.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojena**

Odluka o uslovima i načinu držanja pasa, te načinu postupanja sa napuštenim i izgubljenim psima na području općine Vareš.

Predsjedavajuća OV dala je pauzu u trajanju od 20 minuta.
Nastavljeno je sa radom sjednice.

Ad.6.

(Prijedlog Odluke o utvrđivanju površina za parkiranje motornih vozila)

Komisija za statutarne pitanja i propise na 24. sjednici održanoj 23.11.2023. godine jednoglasno je donijela Zaključak:

- **Komisija nema primjedbi na Prijedlog Odluke o utvrđivanju površina za parkiranje motornih vozila isti upućuje Vijeću na razmatranje.**

Pomoćnik načelnika Ermin Musa ispred ovlaštenog predlagača predložio je da se u članu 2. tačka (i) riječi „jedno mjesto u ulici Tirići“ zamijene sa riječima „dva mjesta u ulici Tirići“. Upoznao je Vijeće da je osnova za izradu Elaborata za obilježavanje parking površina bio prijedlog odluke koji je OV razmatralo prošle godine uz određene korekcije koje su se u međuvremenu desile. O istim je upoznao Vijeće. Predstavnicima Općine Vareš su sa firmom tri puta obilazili lokacije i pri tome im je sugerisano da sva mjesta koja se mogu predvidjeti za parking prostor da se predlože uz uvažavanje saobraćajne struke koja predviđa te prostore.

Otvorena je rasprava u kojoj su učestvovali vijećnici: Dario Dodik (*uz dato pojašnjenje skrenuo je pažnju na broj parking mjesta koja su navedena u Elaboratu na parking prostoru u ul. Korovinjići iza stambenih objekata K4-K8, navedena su 3 parking mjesta a po njegovom mišljenju to bi trebao biti veći broj, zanima ga da li je netko iz Službe izvršio kontrolu Elaborata i provjerio bar neke manje lokacije po tom pitanju*), Nurdin Begović (*postavio je pitanja: da li je Prijedlog Odluke usklađen sa odredbom člana 53. Odluke o komunalnom redu, šta je razlog i zašto prostor ispred stambenog objekata E-2 nije uključen u parking prostor, zašto ul. Ljevarska nije uvrštena u Prijedlog odluke, da li je prostor u ul. Benići javno dobro ili je to privatno vlasništvo*), Asmir Čizmo (*traži pojašnjenje u vezi navedenih parking mjesta u ul. Čaršija ispred OŠ Vareš*), Dario Dodik (*uz pojašnjenje postavio je pitanje da li je neko iz Općine išao sa predstavnicima firme na teren/parking prostore i da li su u obzir uzimali prijedloge Komisije?*), Maja Berberović (*iznijela je svoje mišljenje da je broj planiranih parking mjesta (26) u ul. Tirići prevelik*), pomoćnik načelnika Ermin Musa (*u svom obraćanju dao je dodatna pojašnjenja za sva mjesta koja su navedena u Elaboratu Služba je sa nosiocem izrade Elaborata izlazila na teren tri puta, Služba je sugerisala da se izvidi mogućnost za planiranje više parking mjesta, Elaborat je izrađen u skladu sa strukom i ako bude tehničkih mogućnosti da se negdje doda neko mjesto to će i uradi*), predsjedavajuća OV Mahira Brkić (*izjavila je da razumije stručno mišljenje koje se odnosi na zabranu planiranja parking mjesta u blizini ulaza, prolaza i sl.*), Dario Dodik (*replika*) i Emir Islamović (*uz pojašnjenje izjavio da će Klub vijećnika SDA podržati Prijedlog Odluke*).

Zaključena je rasprava i predsjedavajuća OV stavila je na izjašnjavanje Prijedlog Odluke o utvrđivanju površina za parkiranje motornih vozila.

Nakon izjašnjavanja vijećnika predsjedavajuća OV konstatuje da je sa **18 glasova „ZA“ i 1 glasom „PROTIV“ usvojena**

Odluka o utvrđivanju površina za parkiranje motornih vozila

Ad.7.

*(Informacija o provedenim aktivnostima za izradu
Plana kapitalnih investicija općine Vareš za period 2024-2027. godina)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o provedenim aktivnostima za izradu
Plana kapitalnih investicija općine Vareš za period 2024-2027. godina***

Ad.8.

*(Prijedlog Odluke o usvajanju Plana kapitalnih investicija
općine Vareš za period 2024-2027. godina)*

Komisija za statutarne pitanja i propise na 24. sjednici održanoj 23.11.2023. godine jednoglasno je donijela Zaključak:

- **Komisija nema primjedbi na Prijedlog Odluke o usvajanju Plana kapitalnih investicija općine Vareš za period 2024-2027. godina i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdenko Franjić (*postavio je pitanje zašto ova Odluka nije išla u Nacrtu i nije provedena javna rasprava, uz dato pojašnjenje skrenuo je pažnju na dionice koje nisu planirane u kapitalne investicije sa akcentom na dionicu puta od tunela do Zaruđa i Strice*), Dario Dodik (*ukazao je na iznos sredstava koji je planiran za projekte u Varešu i Vareš Majdanu, mišljenja je da je taj iznos mali u odnosu na iznose koji su planirani za pojedine mjesne zajednice*), Amela Brkić (*traži pojašnjenje u vezi određenih projekata-izgradnja sportsko rekreacione zone, kuća susreta i druženja, sportsko rekreacioni centar Zvijezda i sl.*), Emir Islamović (*postavio pitanja- u budžetu za 2024. godinu planirano je oko 500.000 KM za kapitalna ulaganja da li se dio odnosi i na sredstva za kapitalne investicije navedene u Planu i koji je prioritet po projektima*), rukovodilac Rusmir Berberović (*u svom obraćanju dao je dodatna pojašnjenja i odgovore na neka postavljena pitanja u raspravi i naglasio da kada viši nivoi vlasti objave javni poziv za projekte, da bi se uopšte moglo aplicirati na isti odnosno za bilo šta što se smatra kapitalnim investicijama, mora se imati u svom planu doneseno/prepoznato da bi se moglo kandidovati*), Dario Dodik (*replika-da li je Općina mogla predložiti nešto ako nisu mogle mjesne zajednice Vareš i Vareš Majdan*), Zdenko Franjić (*replika-zašto u kapitalne investicije nije uvršten put od tunela do Zaruđa i Strice*), Amela Brkić (*traži odgovor na postavljeno pitanje u vezi kuće susreta i druženja, izgradnje sportsko-rekreacione zone i sportsko –rekreacionog centra „Zvijezda“*) i rukovodilac Rusmir Berberović koji je odgovorio na postavljena pitanja.

Zaključena je rasprava i predsjedavajuća OV stavila je na izjašnjavanje Prijedlog Odluke o usvajanju Plana kapitalnih investicija općine Vareš za period 2024-2027. godina.

Nakon izjašnjavanja vijećnika predsjedavajuća OV konstatuje da je sa **18 glasova „ZA“ i 1 „SUZDRŽANIM“ glasom usvojena**

***Odluka o usvajanju Plana kapitalnih investicija
općine Vareš za period 2024-2027. godina.***

Ad.9.

*(Informacija o realizaciji projekata infrastrukture
na području općine Vareš za 2023. godinu)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o realizaciji projekata infrastrukture
na području općine Vareš za 2023. godinu.***

Ad.10.

*(Informacija o rekonstrukciji i izgradnji regionalnog puta R-444 Podlugovi-Breza-Vareš-
Vijaka-Podkamensko i R-444a Vareš-Bobovac-Kraljeva Sutjeska)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o rekonstrukciji i izgradnji regionalnog puta R-444 Podlugovi-Breza-Vareš-
Vijaka-Podkamensko i R-444a Vareš-Bobovac-Kraljeva Sutjeska.***

Ad.11.

(Informacija o stanju lokalne i regionalne putne mreže na području općine Vareš)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o stanju lokalne i regionalne putne mreže na području općine Vareš.

Ad.12.

*(Informacija o provođenju Programa razvoja zaštite i spašavanja
ljudi i materijalnih dobara od prirodnih i drugih nesreća
na području općine Vareš za period 2022-2027.godine, za 2022. godinu)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o provođenju Programa razvoja zaštite i spašavanja
ljudi i materijalnih dobara od prirodnih i drugih nesreća
na području općine Vareš za period 2022-2027.godine, za 2022. godinu.***

Ad.13.

*(Informacija o stanju u oblasti prijevoza u lokalnom
i međugradskom saobraćaju na području općine Vareš)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o stanju u oblasti prijevoza u lokalnom
i međugradskom saobraćaju na području općine Vareš.***

Ad.14. **(Tekuća pitanja.)**

1. Predsjedavajuća OV upoznala je Vijeće Tužbom tužitelja BBM Vareš d.o.o. Vareš radi poništenja Odluke OV broj:01-254/23 od 09.10.2023. godine, dostavljena od Kantonalnog suda u Zenici broj:04 0 U 013729 23 U 3 od 14.11.2023. godine i Očitovanjem po istoj od zamjenika Općinskog pravobranilaštva Vareš broj:R-43/23 od 17.11.2023. godine.
2. Predsjedavajuća OV upoznala je Vijeće sa Molbom za sanaciju lokalnog puta Duboštica-Pogar broj.7/23 od 15.11.2023. godine dostavljena od Savjeta MZ Duboštica i Očitovanjem po istoj koje je dostavila Služba za prostorno uređenje broj.02/3-2627/23 od 29.11.2023. godine. Služba je dostavila i Zahtjev za sanaciju puta koji je uputila Adriatic Metals-u.
3. Predsjedavajuća OV upoznala je Vijeće sa Zahtjevom Plavšić Latinke za hitnu sanaciju/rušenje stuba u Vareš Majdanu i Očitovanjem Službe za prostorno uređenje po istom broj:02/3-2627/23 od 29.11.2023. godine.
4. Predsjedavajuća OV upoznala je Vijeće sa Dopisom za dostavu prijedloga za Program rada Skupštine ZDK za 2024. godinu, broj.01-30-16283-2/23 od 01.11.2023. godine.

Predsjedavajuća predložila je i stavila na izjašnjavanje sljedeći

Zaključak:

- **Svi zainteresovani do 07.12. 2023. godine da u Stručnu službu OV dostave prijedloge za Program rada Skupštine Zeničko-dobojskog kantona, kako bi Stručna služba OV iste prosljedila Skupštini Zeničko –dobojskog kantona.**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

5. Predsjedavajuća OV upoznala je Vijeće sa Dopisom za dostavu prijedloga za Program rada Općinskog vijeća Vareš za 2024. godinu i apelovala da vijećnici u Stručnu službu OV dostave eventualne prijedloge o kojima bi Vijeće trebalo raspravljati u 2024. godini.
6. Predsjedavajuća OV upoznala je Vijeće sa Odgovorom Porezne ispostave Vareš broj:13-4/9-02-4-3741/23 LM od 10.11.2023. godine a po Zaključku Vijeća donesenom na 29. sjednici 27.10.2023. godine koji se odnosi na dostavu podataka o zaposlenosti za sve pravne subjekte, javne ustanove i javna preduzeća po određenim kvalifikacijama.

Predsjedavajuća OV uputila je apel Službi za privredu, finansije i trezor da Poreznoj ispostavi Vareš uputi dodatni upit za dostavu podataka (naziv privrednog subjekta, ukupni broj zaposlenih, ukupni broj zaposlenih sa općine Vareš, kvalifikacija školske stručne sprema, polna struktura).

U raspravi su učestvovali ispred nadležne Službe Salih Memić i vijećnici Maja Berberović, Malik Rizvanović i predsjedavajuća OV Mahira Brkić.

7. Predsjedavajuća OV upoznala je Vijeće sa Tužbom tužitelja Rudnik željezne rude d.d. Vareš u stečaju radi poništenja Odluke Općinskog vijeća Vareš broj:01-254/23 od 09.10.2023. godine, dostavljenu od Kantonalnog suda u Zenici broj:04 0 U 014605 23 U 2 od 27.11.2023. godine i Očitovanjem po istoj od zamjenika Općinskog pravobranilaštva Vareš broj:R-48/23 od 30.11.2023. godine.
8. Predsjedavajuća OV upoznala je Vijeće sa Molbom za postavljanje dvije gradske rasvjete u ulici Matijevići, dostavljena od Bartolović Jure 23.11.2023.godine.
Predsjedavajuća OV izjavila je uz dato pojašnjenje da će se apelovati Općinskom načelniku da izađe u susret ovoj Molbi.
9. Predsjedavajuća OV upoznala je Vijeće sa Prijedlogom inicijativa za donošenje seta pronatalitetnih mjera povodom Nacrta i usvajanja Budžeta za 2024. godinu u funkciji podrške porodicama s troje ili više djece, dostavljen od Udruženja porodica sa troje i više djece „Porodice tri plus“ od 17.11.2023. godine. Općinski načelnik dostavio je Vijeću Izjašnjanje po prijedlogu inicijativa, broj:02-1891/23 28.11.2023. godine.
10. Predsjedavajuća OV upoznala je Vijeće sa Zahtjevom za reagovanje koji je dostavio Kućni savjet zgrade E-3 od 29.11.2023. godine, a u vezi odlaganja raznog otpada jednog stanara u zgradi E-3.

Predsjedavajuća OV uz dato pojašnjenje predložila je i stavila na izjašnjanje sljedeći

Zaključak:

- **Nalaže se komunalno-građevinskom inspektoru Općine Vareš da izađe na lice mjesta u što kraćem roku i da postupi sukladno svojim nadležnostima i da se riješi problem a sve u vezi sa dopisom kućnog savjeta zgrade E-3 ul. Zvijezda od 28.11. 2023. godine. U slučaju da komunalno-građevinski inspektor nema nadležnost za rješavanje postojećeg problema ili ima a nije moguće riješiti, neka nam daju eventualni prijedlog rješenja za ovaj problem. Ukoliko komunalno-građevinski inspektor nije nadležan za rješavanje ovog problema, da isti uputi organu koji znaju da je nadležan za rješavanje istog! Da se ovaj problem riješi do sljedeće sjednice OV i da izvijeste Vijeće o poduzetim radnjama. Rok: HITNO!**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

11. Emir Islamović uz pojašnjenje predložio je da Vijeće uputi Urgenciju Odboru državne službe za žalbe a u vezi hitnog pristupanja razmatranja žalbe po konkursu za izbor sekretara Općinskog vijeća Vareš.

Predložio je da Općinsko vijeće da suglasnost Općinskom načelniku da iz Budžeta izdvoji sredstva u iznosu 5.000 KM za pomoć ugroženom narodu Gaze.

Predsjedavajuća OV predložila je i stavila na izjašnjanje sljedeći

Zaključak:

1. **Ovlašćuje se Općinski načelnik da može izvršiti uplatu novčanih sredstava iz budžeta Općine Vareš za 2023. godinu u iznosu od 5.000,00 KM u svrhu pomoći narodu Gaze, koji se pod okriljem ratnih dejstava suočavaju sa humanitarnom krizom.**

2. Sredstva iz tačke 1. ovog Zaključka uplatiti na račun Ambasade Države Palestine u Sarajevu.
3. Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Zdenko Franjić) **usvojen predloženi Zaključak.**

Predsjedavajuća OV uz obrazloženje predložila je i stavila na izjašnjavanje sljedeći

Zaključak:

- Uputiti Preporuku Odboru državne službe za Žalbe FBiH da što hitnije pristupi razmatranju žalbe po konkursu za izbor sekretara OV Vareš kako bi se što prije okončala procedura preuzimanja dužnosti sekretara Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Zdenko Franjić) **usvojen predloženi Zaključak.**

Vijećnica Maja Berberović je sugerisala da se može obratiti Federalnom ministarstvu pravde i Federalnom inspektoratu za rad u slučaju da je prošao rok za odgovor po žalbi.

Predsjedavajuća OV u ime Općinskog vijeća Vareš i u svoje lično ime uputila je čestitke za predstojeći blagdan Božić svim građanima katoličke vjeroispovijesti.

Sastavni dio ovog Zapisnika je audio zapis sjednice.

Sjednica je završena u 17.10 sati

ZAPISNIČAR

Azra Pijadžer

**PREDSJEDAVAJUĆA
OPĆINSKOG VIJEĆA**

Mahira Brkić